



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 11. De vita Christi ab anno 12 ad 30.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

sed exemplo B. Virginis, maior orandi, aliaque bona opera exercendi studio quærat Dominū, & sine dubio, si in eo perstiterit, tandem inueniet.

3. Puer IESVS inter amicos & cognatos quæsitus, non est inuentus, sed in templo Dei, vt indicaretur, inter cognatos & amicos carnem & sanguinem non reperiri, sed potius perdi Christū. Vnde qui volunt adherere DEO, & operā dare suę saluti, non multum debent conuersari cum consanguineis, & amicis, imo debent potius fugere, & ab illis se separare: nā vt dicit Propheta Regius. Deus eius animæ speciem & pulchritudinem concupiscit, quæ
*Psal. 44. propter ipsum obliuiscitur populum suum
 & domum patris sui.*

6. Christus hoc locō à matre certo quodam modo reprehensus; benignè & humiliter respondit; sed in nuptijs rogatus à matre vt faceret miraculum, respondit seuerius. Vnde discimus reprehensiones humiliter esse suscipiendas, quicquid autem ad laudem & honorem nostrum pertinet; diuoribus verbis respuendum.



MEDITATIO XI.
 DE VITA CHRISTI AB
 ANNO 12. AD 30.

PVNCTA MEDITATIONIS.

*Luc. 2. I. IESV venit cum eis in Nazareth,
 & erat subditus illis.*

2. Et

II. Et Mater eius conseruabat omnia in corde suo.

III. Et IESVS proficiebat sapientia etate & gratia apud DEVM & homines. Videturq; vnà cum Iosepho artem fabrilem exercuisse; vt colligitur: *Nonne hic est faber?* Marc. 6.

F I G V R Æ.

1. IOSEPH in Ægypto mansit vsque ad Gen. 41. annum etatis trigesimum incognitus. Anno autem trigesimo à Pharaone toti Ægypto præpositus est.

2. Moyles, antequam mandato Dei Exod. 3. abijisset ad liberandum populum Israel à & 7. seruitute Ægyptiaca, multis annis occultus habitauit in terra Madian.

3. Dauid triginta annis partim occultus fuit, partim profugus. Anno autem trigesimo etatis ad regnum vocatus, cæpit regere populum Dei. 2. Reg. 5.

4. Puer Samuel in Silo seruiens Deo 1. Reg. 3. in templo, vt dicit scriptura, crescebat & proficiebat, placens Deo & hominibus.

P R O P H E T I Æ.

1. Sicut obstupuerunt super te multi, sic in- Esai. 54. glorius erit inter viros aspectus eius, & forma eius inter filios hominum.

2. *Verè tu es Deus absconditus: Deus Israel Saluator.*

DOCUMENTA.

1. **I**ESVS voluit subiectus esse parentibus pro nostra instructione, & superbię nostrę cõfusione, qui sapenumero refugimus esse subiecti superioribus nostris. Itaque si Christus, mundi Imperator, cui cœli, omnesque res alia sunt subiecta, voluit se submittere paribus multo se inferioribus, nos, qui sumus serui, non debemus dedignari subijcere nos superioribus nostris.
2. Si Prælati considerent, Iosephum tenuisse locum prælati, Christum verò subditi, nullam habebunt occasionem superbię, ex eo quod alios dignitate & auctoritate præcedant. Nam sapè contingit subditos maioris esse meriti, quàm prælatos: & qui subditi sunt aliorum in hac vita, in altera fieri eorundem in æternam superiores.
3. B. Virgo conseruabat omnia verba dicta de filio, conseruens ea in corde suo; Quo exemplo discimus quemadmodum Verbum Dei audiendum sit; & quo fructu: nempe, recipiendo illud in corde, & ibidem conseruando & considerando, non autem faciendo more illorum, de quibus vulgò dicitur, quòd verbum Dei vna aure excipiant, altera elabi sinant.
4. **I**ESVS crescens atate, simul crescebat in sapiëntia & gratia apud Deum & homines. Qui sunt veri Christi imitatores, non debent committere, vt vitæ tempus sine fructu abeat, sed operam dare, vt in spiritu proficiant, & de virtute in virtutem crescant; crescendo simul in gratia, tum apud Deum, per obseruationem

præce-

MEDITATIONVM. 39

præceptorum, tum apud homines per bonæ conuersationis exemplum.

5. Christus, dum esset puer, crescebat atate, virtute & gratia. Merito hic pudeant multi Christiani, qui filios suos non secundum formam à Christo suo exemplo præscriptam, sed secundum peruersam huius mundi disciplinam educant, & dedecori sibi esse putant, cum filij proficiunt in timore Dei, cultu pietatis & studio virtutum christianarum: gaudent autem, quando vident eos in carnis prudentia, & mundi nequitia aliquos facere progressus.

6. Christus, vt scriptum est, coepit primum facere, deinde docere. Nam triginta annos primò exercuit se in obedientia, patientia, & oratione. Deinde verò tribus annis vltimis prædicauit, & docuit alios, vt intelligat prædicator Euangelicus, si verbo alijs prodesse velit, sibi vitæ integritatem, & bonorum operum exercitium primùm curandum. Nam non facilè alios docebit verbo, quod nõ ipse prius præstet suo exemplo.



MEDITATIO XII.
DE PRAEDICATIONE

S. IOANNIS.

PVNCTA MEDITATIONIS.

I. Anno 15. Tiberij venit Ioannes è deserto ad Iordanem, prædicans baptisimum pœnitentiæ in remissionem peccatorum, dicens: appropinquauit regnum Cœlorum.

Matt. 3.

Marc. 1.

Luc. 3.

2. IOAN-